



Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1655

§. 13. Tunc abiit unus de duodecim qui dicebatur Iudas Iscariotes ad principes Sacerdotum & ait illu. v. 14.

urn:nbn:de:hbz:466:1-45515

Domine, quidquid sum, quidquid habeo, aut possum totum sine ylla contradictione aut exceptione, totum, inquam, fundo lubens pro te, totum id tibi consecro, devoveo in corpore & in anima, extra & intra, totum do & reddo tu accipe me & omnia mea, sicut accepisti unguentum hoc ab hac persona, atque utinam possem maiori cum liberalitate, amore, lacrimis cordis & corporis me offerre! ne igitur despicias manus meum, licet a peccatorum maximo offeratur.

S. 12. Amen dico vobis ubiunque prædicatum fuerit hoc Evangelium in toto mundo dicetur & quod hoc fecit in memoriam eius. v. 3.

O Discipuli! opusne est ut Christus tantis confirmet mulierem hanc benę fecisse, dicendo *Amen*, & comminando, quod etiam si vos modo traducatis factum eius, tamen alii in toto mundo sint laudaturi post mortem suam, hanc mulierem non alia, quam sancta intentione hoc unguentum effusisse in caput Iesu!

AH quantæ molis est inducere hominem ad credendum! ipse Dominus & Deus ipsorum dicebat, & illi tardierant ad credendum. Ab, mi Deus, quoties te intus & extra clamantem audivi & audio, & tamen vix induci possum, ut credam verbis tuis, & inspirationibus sanctis, ut vel relinquam ad momentum inquirates, & iniquum propositum meum. Tu doces clare, tu inspiras, tu moves varijs efficacibus & terribilibus argumentis, cor meum, & tamen non moveor ad consentiendum tibi quasi non ita esset, uti inspiras. Ah Domine doleo, quod non magis huc usque voluntatem meam tuis verbis & sanctis inspirationibus submiserim: Commove potenter diuina virtute tua ex hac hora cor meum, quod tibi uni præsento, ut ijs assentiar, quæ proponis, sunt enim omnia suavia, sana, salubria & nulji nisi amari aspernanda.

S. 13. Tunc abiit unus de duodecim qui dicebatur Iudas Iscariotes ad principes Sacerdotum & ait illi. v. 14

Infidus discipulus, incredulus, obstinatus, amarus, ad hæc verba Christi surgit & abiit a Christo Domino suo ad similes sibi infidos, incredulos, obstinatos, avaros principes Iudeorum non valens perferre excusationem Christi pro muliere hac, sed permanens in invidia sua & opinione propria, cogitat quomodo se vindicare possit, & hanc & suum supprimere magistrum, ut ipse perveniat ad divitias, ad quas avare inhibebat, unde se insinuat adulator & proditor apud Principes mundi, qui terrenis intenti cœlestia respuebant sicut ipse.

De-

Domine Deus, an non quotidie hoc sit ut quis sacerdotalia lucretur, etiam
sæpe unicum teruncum, vel haustum vini, vel verbum luxuriosum,
aut curiosam vestem, an non te dederit homo tuam enim legem dederendo,
deserit te.

Ah Domine nimis verum est hoc, peccati veniam deprecor, gratiam imploro,
post hac cautius discam mercari, & tecum manere, tuis verbis
credere & obedire, ne in graviora incidam peccata, ut hic discipulus Iudas
qui post invidiam vendidit ex avaritia Magistrum.

§. 14. Et ait illis quid vultis mihi dare & ego vobis eum tradam? v. 15.

Ecce malum quod sequitur ex passionibus inordinatis, nempe, mihi Iesu,
tui derelictio, ex derelictione tui proditio, ex proditione desperatio, ex des-
peratione mors violenta, & æterna tandem damnatio. Audiamus unum ex
his passione actis: quid vultis mihi dare? (i Timot. 6.10.) Ecce cupiditas! ra-
dix omnium malorum: nam petit stipendium, ad faciendum malum, quod
malum? Etego eum vobis tradam. quem eum? Dominum meum, &
Deum vestrum, virum sanctum, Prophetam Domini, Messiam, quem vos
odistis! Præcipes, eum ego discipulus eius vobis tradam ad occidendum,
propter mercedem pecuniae. Quis iam neget pecuniae obediere omnia?

O Quis Iudeus adhuc hodie supersunt, qui ob pecuniae lucrum Christum
in membris suis produnt, fidem sanctæ Romanæ Ecclesiæ, extra quam
nulla salus relinquunt propter conjugem, propter villam, propter officio-
lum, quot inde oriri videmus proditiones, maledicta, coniurationes, falsas
accusationes, furtæ, rapinas! & alia peccata quæ animus horret referre enor-
atia! Et quot hinc desperationes, quot mortes violentæ, quot prædæ in inferni!
ida autem ideo, quia tibi nec fidere, nec te sequi voluerunt Domine.

Non mihi sic fiat precor mihi Iesu, si ledactus a te fors recessi ob avari-
tiam, vel etiam concupiscentiam, & ab ea in aliquod peccatum incidi,
cupio emendare, & tibi deinceps adhaerere, tibi servire, miserere mei, misere-
rere peccatoris, ne vel mors insperata, vel damnatio æterna reum assequatur.

§. 15. At illi constituerunt ei triginta argenteos. v. 15.

Scitur ex communii adagio: servitium oblatum & iniquum raro gratum esse vel
ratum, plane ita, video in Iuda, offert Iudeis servitium iniquum, & petit
mercedem iniquitatis, quid illi spōndent pro iniquitate: triginta argenteos
qui sunt sane pauci & viles præ tanta mercede. Vide anima mea huius
miseri illusionem, & miser hic, cæcus ex avaritia & livore, sine fide,
sine Deo tam paucos nummos acceptat pro mercede tantæ iniquitatis,
ut pro ea Dominum suum vendat, prodat omnemque fidem frangat,

¶ infe-